

ՍԵՐՁԵՅ ՄԱՆՈՒԿՅԱՆ

ԱԶԳԱՅԻՆ-ՀԵԹԱՆՈՍԱԿԱՆԸ ՆԱՐԵԿԱՅՈՒ ԵՐԿԵՐՈՒՄ /ըստ այլազգի նարեկացիագետների/

Նարեկացու երկերը հարուստ իմաստային լիցքավորում, պես-պես հոգևոր շերտեր ու ուժագծեր ունենալով, և դա, հատկապես, ենթատեքստային իմաստով,- հիմք են տալիս դրանք զանազան ձևերով ընթերցել-մեկնաբանել ինչպես և, փաստացի, ընթերցվել – մեկնաբանվել է: Սակայն, եթե թույլ տրվի դրանք երկակիության սկզբունքով ընդհանրացնել, կարելի է ասել, որ մինչ այժմ հայ նարեկացիագիտության մեջ դիտվել է երկու միմյանց հակադիր ընթերցանություն-մեկնաբանություններ կրոնա-եկեղեցական /միջնադարյան մեկնիչներ, Ն.Նալյան, Գ.Ավետիքյան, Գ.Զարբանհալյան և ուրիշներ/ և ազգային-հեթանոսական¹ /Մ.Աբեղյան, Ա.Զոպանյան, Լ.Շանթ, Վաչե Նալբանդյան, Գառնիկ Անանյան և այլոք/: Կարծում ենք՝ Նարեկացու երկերի երկրորդ կարգի ընթերցանություն-մեկնաբանությունն իսկությանն ափելի մոտ է: Այդ մասին է վկայում այն փաստը, որ օտար աչքը, այլազգի նարեկացիագետը հայ հանճարի երկերը ընթերցում-մեկնաբանում է ափելի շատ երկրորդի հանգվույն, քան առաջինի: Սիս և իմ այդ կարծիքը անուղղակիորեն փաստելու, և, դրանով իսկ, վերջին ժամանակներս /հատկապես Նարեկացու մահվան 1000-ամյակի “կապակցությամբ”/ վերստին աշխուժացած առաջին կարգի ընթերցանություն-մեկնաբանությունների, Նարեկացուն կրկին ու կրկին կրոնավորի զգեստ հագցնելու մոլար ընթացքը ինչ-որ տեղ մեղմելու համար,-վերստին արծարծեն այլազգի նարեկացիագետների կարծիքները հայ հանճարի երկերի ազգային /հեթանոսական/ հենքի վերաբերյալ:

Նարեկացու երկերի հեթանոսական ատաղձը արդեն իսկ նկատել է առաջին այլազգի հետազոտողը հայ մշակույթի ոուս մեծ բարեկամ Վալերի Բրյուսովը: Հայ մշակույթի ականավոր գիտակը հայ հանճարին ընկալում է որպես մշակութաստեղծ ճոր ո՛չ կրոնական սկզբունքների հիմնադիր, իսկ նրա

¹ «Ազգային»-ն ու «հեթանոսական»-ը, ըստ էության, նույնակարգ բառ-հասկացություններ են. հիշենք, որ «հեթանոս»-ը հայերեն է թափանցել հունարենից, որտեղ այն /հունական տարբերակով՝ «էթնոսը»/ պարզապես նշանակում է ազգ /ցեղ/:

ստեղծագործությունը՝ միջնադարյան հայ աշխարհիկ-ազգային պոեզիայի կենսալից նախասկզբը։ Նրա բնորոշմամբ, Նարեկացու քերթվածքներում «կրոնական զգացմունքը միանում է իսկական բանաստեղծական ներշնչանքին», որի հետևանքով՝ նրա «շատ այլաբանական հիմներ մնում են որպես հրաշալի ստեղծագործություններ՝ աննախ հոենց աստվածաբանական մեկնաբանություններից»²/ընդգծ. իմն է, -Ս.Ս./։ Ականավոր գրող-գրականագետը նրբամտորեն նկատում է հայ համճարի երկերի այլաբանական կողմը, դրանցում արտահայտված կրոնա-աստվածաբանական թեմատիկայի թվացյալ, գուցե և՛ որպես պարտադրանքի արտահայտություն, լինելը։ «Նարեկացին իր երկերում աստվածաշնչյան թեմաները «ալեգորիկ մակնաբանության» ենթարկելու հարկադրանքն ունենալով,- գրում է նա,- ակնկալում է, որ ընթերցողի կողմից էլ իր ասածները նույնպես՝ «այլաբանորեն ըմբռնվելու» նրբամտությունը կապահովվի³։ Հիրավի, Վ.Բրյուսովի հայտնած այս նկատառումը շատ էական է Նարեկացուն իսկատիպորեն ըմբռնել-հասկանալու համար։

Ի ուրախություն պետք է ասել, որ ռուս գրականագիտության մեջ Նարեկացու երկերի մեկնաբանության Վալերի Բրյուսովի հիմնած, ճշմարիտ ուղին հետագայում շարունակեցին նաև խորհրդային մարեկացիագետները։

Նարեկացու երկերի արդեն մերօրյա հոտագոտողը Ստանիսլավ Ռասսահինը նրբորեն նկատում է, որ բանաստեղծը «իր աստվածն ունի» /իսկ սա, ինչպես հայտնի է, հեթանոսական աստվածընկալման կարևոր տարբերիչ գծերից մեկն է, -Ս.Ս./, որը «ծեփակերտված է» ոչ թե կրոնական «միամտությամբ, այլ՝ ճշմարտության ու բարու կրքոտ ծարավով» /ընդգծ. իմն է, -Ս.Ս./։ Գրականագետի ճշմարիտ ընկալումով, «այդ ծեփակերտությունը անտեսանելին չի նմանակում տեսանելին /նման դեպքերում հենց այդպես էլ լինում է/, այլ, ասես թե, մի տեսանելին աշխատում է նմանակել մյուս տեսանելիին»⁴ /իսկ տեսանելին՝ տեսանելիով,- իրականության փաստերի մեկնաբանության այս եղանակը դարձյալ հեթանոսական աշխարհընկալման կարևոր առանձնահատկություններից է,- Ս.Ս./։ Ըստ հետազոտողի, «բանաստեղծի գրույցն աստծո հետ»⁵ որպես գեղագիտական փաստ, արդեն իսկ հանդգնություն է և

² Поэзия Армении. Редакция, вступительный очерк и примечания Валерия Брюсова. Ер., 1966, стр. 48.

³ Տես նույն տեղը։

⁴ Ստանիսլավ Ռասսահին, Պյուս տասը դար։ «Գարուն», 1970, N 9, էջ 79։

⁵ Սա Աստծուն տեսնելն ու նրա հետ գրույցն էլ է Նարեկացու հեթանոսականության արտահայտություններից մեկը։ Ինչպես հայտնի է, ըստ կրոնական աստվածընկալման, հավատացյալը Աստծուն չի տեսնում և չի կարող տեսնել /«աստված» էլ նրանից ջողարկվում է, ինչպես վարվում է, օրինակ, քրիստոնեական «աստված»/, հետևաբար, նրա հետ գրույցի բռնվելու մասին, այս դեպքում, խոսք անգամ գնալ չի կարող։

աստվածամարտության քայլ, եթե նույնիսկ այդ բանը չի նկատել և չի ցանկացել նկատել ինքը՝ բանաստեղծը»⁶ : «Եկեղեցուն,- շարունակում է նա,- ծեռնառու չէր աստծո մոտեցումը մարդուն, եթե դա նույնիսկ արվում է գեղագիտական պլանով. չէ՞ որ դրանով խարխվում են աստվածավախության հիմքերը: Միայն չճանաչված երևույթն է վախ ներշնչում: Աստծո վերաբերյալ միտքը /կրոնում,- Ս.Ս./ ծնվել է հենց որպես վախ՝ այդ չճանաչված /և, թվում էր, անճանաչելի/ երևույթի հանդեպ: Բայց չճանաչելու ձգտումը, որի ընթացքում էլ ծնվել է արվեստը, հասցրեց այն բանին, որ արդեն աստծուն ևս տեղ էր հատկացվում ընթռնելի, ճանաչված աշխարհում: Դառնալով, այսպես ասած, պոեզիայի հերոս, աստված արդեն չէր ներշնչում այն վաղեմի ստորացուցիչ երկյուղը»⁷: Ռուս հետազոտողի կողմից «մրբորեն նկատված այս իրողությունները,- նույնպես նրբամտորեն նկատում է Վաչե Նալբանդյանը,- յուրովի օգնում են բացահայտելու «Ողբերգության մատյանի» որոշ գաղտնածալքերը, հասկանալու մարդու և աստծո բարդ «փոխհարաբերությունների գաղտնի զսպանակները»⁸: Իսկ այդ «որոշ գաղտնածալքերը», մարդու և աստծո բարդ «փոխհարաբերությունների» գաղտնի զսպանակները,- Նարեկացու համար մի պա՛րզ գեներտիկական հիշողության արծանագրում էր. նա «իր», իր ազգի ու ցեղի աստծուն էր տեսնում, որը նրան հարազատ, իրական ու զգայելի աստված էր /հետևաբար, նա նրա հետ զրույցի կարող էր բռնվել/, ո՛չ օտարոտին, անդրցանցականին, հետևաբար նաև՝ սարսափազդուին, վախ հարուցողին, հետը զրուցելու համար՝ անկարելիին: Ի դեպ, Նարեկացու աստծո, «նրա» և աստծո փոխհարաբերության այսպիսի մեկնաբանության համար ինքը՝ Նարեկացին իր «Մատյանում» բավականաչափ հիմքեր տալիս է: Հիշենք, այս առումով, «Մատյանի» այն դրվագները, որոնցում Նարեկացին «իր» և Արարչի-Աստծո յուրահատուկ, անձնական հարաբերությունն է ցուցանում: «Ինձ ժառանգակից անվանեցի քեզ», «հանդգնեցի կցորդվելու քեզ», ասում է նա դիմելով Արարչին /Բան Ե, Ա, 35⁹, ընդգծ. իմն է,- Ս.Ս./: Սեկ այլ դրվագում, հայոց մեծ թաքնատեսը «իրեն» համարում է Արարչի «Աստված բոլորի»-ի «որդի», Արորդի /տե՛ս Բան ԽԵ, Ռ, 25, ինչպես նաև Բան ԽԸ, Բ, 35/, նկատի ունենալով «իր» որպես այդպիսին՝ Արմեն /ինչպես հայտնի է, մեր անունն է, որ նշանակում է արարչածին, Արարչի ստեղծածման-մարդ-մահկանացու,-Ս.Ս./ «որդեգրու-

⁶ Ստանիսլավ Ռասսադին, հիշատ. տեղում, էջ 78:

⁷ Նույն տեղը:

⁸ Վաչե Նալբանդյան, Գրիգոր Նարեկացի, Եր., 1999, էջ 102:

⁹ «Մատյանից» այս և ստորև մյուս մեջբերումները արվում են ըստ Սկրտիչ հերթանյանի թարգմանության /Տե ս Գրիգոր Նարեկացի, Մատյան ողբերգության, Եր., 1960/:

քյան» փաստը /տե՛ս Բան Ծ, Դ, 75, նաև Բան ԼԵ, Ա, 15/: Մեկ այլում Նարեկացին ասում է, որ «կարող ենք լինել մենք աստվծ նույնիսկ շնորհներով ընտիր» /Բան ԾԲ, Բ, 55/: Եվ այլև:- Փատորեն, Նարեկացու ոգու այս կրոնական ըմբռնումներից էապես տարբերվող խորը անձնկանությամբ, արարչականությամբ, աստվածայնությամբ, յուրահատուկ ծագումի գիտակցմամբ դրոշմված ոսկեցույթերը չեն վրիպել ոուս նարեկացիագետի ուշադրությունից: Նարեկցու «հավատքի չենքում /արտահայտությունը Նարեկացուն է/: Նա մեկ այլ կարևոր մաս էլ է նկատել: Ինչպես հայտնի է, Նարեկացին հանդիսացավ իրենից առաջ սկիզբ առած Թոնդրակյան ազգային հոգևոր շարժման շարունակող շարժում, որը վերստին արժարժոց եկեղեցու կողմից երկար ժամանակ ժխտած հայ լինելիության, ծագումի, կենսագրության, Հայ-Հայի Աստված /Արարիչ/ հարաբերության, ամբողջական մարդկության մեջ՝ Հայի յուրահատուկ տեղի ու դերի նաև եկեղեցու հայոց կյանքում կենսամպաստ դերակատարում չունենալու վերաբերյալ հարցերը: Սիա և ոուս նարեկացիագետը, զգալով Նարեկցու և Թոնդրակյան շարժման հոգևոր ժառանգական կապը, գրում է. «Ենթադրում են, թե Նարեկացին համակրել է այն ժամանակվա հերետիկոսակա¹⁰ ուսմունքներից մեկին¹¹: Բայց այստեղ ավելի կարևոր է մեկ այլ բան. այն, որ նա կանգնած է եղել արվեստի բնական ու անխուսափելիորեն «հերետիկոսական» ակունքների մոտ, արվեստ, որն իր բնույթով մարդկայնացնում է, անձնավորում էր ամբողջ աշխարհը և նույնիսկ աստծուն»¹²: Ռուս նարեկացիագետը որքա՜ն է արդարամիտ, ի տարբերություն այն հայ նարեկացիագետների, որոնք հայ եկեղեցու /և ընդհանրապես/ կրոնի/ սարսափն իրենց մեջ տակավին ունենալով աշխատում են Նարեկացուն «չոր» դուրս բերել Թոնդրակյան բարեբեր շարժման ազդեցությունից...¹³

Մեկ այլ ոուս ժամանակակից նարեկացիագետ՝ գրող-գրականագետ Միխայիլ Դուդինը ևս Նարեկացուն համարում է ո՛չ կրոնական կարգի գրող. այլ՝ «ճշմարտության խթանը ձգտող բանաստեղծ», որի ստեղծագործության մեջ, «...նույնիսկ կրոնական անխախտ դոգմաները, տարբեր կողմերից իմաստա-

¹⁰ Գրականության մեջ «հերետիկոսության» տակ, սովորաբար, հասկացվում է միջնադարում կրոններին զուգահեռ գոյություն ունեցող հավատքային ուղղությունները, այսինքն, փաստորեն, միջնադարյան հեթանոսությունները ազգային հավատքը ելակետ համարող հոգևոր ուղղությունները:

¹¹ Անշուշտ հաշվի է առնվում Թոնդրակյան «ուսմունք»-ը:

¹² Ստանիսլավ Ռասսադին, վերը հիշատակված տեղում, էջ 79:

¹³ Սոփի բերումով, ասենք, որ Նարեկացու եկեղեցու հանդեպ վերաբերմունքը թոնդրակեցիների պես բացահայտ թշնամական չէր: Բայց այն ամենի հոռոն, ամենի սքայի, ու ավելի հանեցի էր...

վորվելով հանճարի ջնմախոյզ բանականությամբ, օրինականացված քարացածությունից վեր են ածվում ելք փնտրող մտքի կենդանի տրոփյունի»¹⁴ /ընդգծ. իմն է.- Ս.Մ./: Իսկ ճշմարտության վերածանման մղումը, բանականության պաշտամունքը,- ասվածը մեկնաբանենք ըստ մեր հարցադրման,- հեթանոսականության հատկանշական գծերից է /հիշենք հին հունա-հեթանոսական բանականության, ճշմարտության պաշտամունքը¹⁵, որը...Հունաստան կրոնների թափանցումով թուլացավ, գրեթե ի չիք դարձավ.../, գիծ, որը խավարասեր կրոնական միջնադարում մեզանում եզակի պահպանողներից է Նարեկացին, որը և Մ.Դուդինը, »դրսի» հայացք ունենալով հանդերձ, նկատում է:

Ուստի ժամանակակից գրականագետ-գրող Ալ.Դեյչը նույնպես գտնում է, որ Նարեկացու երկերում Աստծո և մարդու, աստծո և մարդու կապի, մյուս մարդու հաճո խորհուրդների ըմբռնումը իր էությանը վցաղնջական հեթանոսական ըմբռնումն է, և ո'չ՝ կրոնական. «Նարեկացու պոեզիայում,- գրում է նա հիշատակված խորհուրդներից մեկի նարեկացիական ըմբռնումն մեկնաբանելով,- աստվածանիի ու մարդկային փոխադարձ կապը կորցրել է իր աստվածաբանական բնույթը»¹⁶: Մեր կողմից, սակայն, նկատենք հետևյալը: Քանի որ մինչ այժմ կրոնները սեփականաշնորհել են աստվածաբանականաի ոլորտը /դրանից հեռու լինելով, և հասարակական գիտակցության մեջ հետևողականորեն մտցրել են այն թյուր պատկերացումը, որ այդ ոլորտը իրենց մենաշնորհն է,- «աստվածաբանականաի»՝ հարցին, հետևաբար, ըստ այդ սովորությանի հարացույցով մոտեցող խորհրդային աստվածամերձ գիտնականնաը պետք է որ կարծեր, թե «աստվածաբանականաը» հույժ վտանգավոր է Նարեկացու պես հանճարի համար, և պետք է աշխատենք նրան ազատել այդ անցանկալիից: Ճշմարտությունը, սակայն, այն է, որ Նարեկացու երկերում կրոնական իմաստով «աստվածաբանականն» է /որն, ըստ էության, լինելով մարդակենտրոն աշխարհայեցողություն, արարչամերձություն ու աստվածամերձություն¹⁷ է/, որ բացակայում է /այս առումով Ալ. Դեյչը իրավացի է/, այն դեպքում, երբ դրանցում բուն՝ հեթանոսական իմաստով «աստվածաբանականը» ծայրե ի ծայր է /սա տեսնելու համար գրականագետի միամտությունը թույլ չի տվել.../. Հայ

¹⁴ Միխայիլ Դուդին, «Ճշմարտության որոնման տառապանքը»: «Գրական թերթ», 1978 թ., 3-ը մարտի:

¹⁵ Ավա-դ, Գի Հայաստանից այդպիսի բացահայտ պաշտամունքի օրինակ չենք կարող բերել...

¹⁶ Александр Дейч Поэзия скорби и гнева В кн Читая Нарекаши Ер 1974 стр. 30

¹⁷ Հիշենք, այս առումով, «Մատյանի» այն դրվագը, որտեղ Նարեկացին Պողոս առաքյալին, հեթանոսների» մեջ Հիսուսի ուսմունքի գլխավոր տարածողին, ի թիվս այլոց, մեղադրում է «Արարչի սպանման «մասնակից» լինելու մեջ.«որհանցանքների ամենն անքավելին է» Բան ժԱ, Բ. 70/:

համճարը բոլոր ժամանակների մեծագույն արարչապաշտներից ու աստվածապաշտներից է:

Նարեկցին իր երկերով որպես հեթանոսականը վերածնող ականավոր հոգևոր այր,-ռուս գրականագետ-գրողների տեսակետները կիսում է դարասկզբի ֆրանսիացի գրող ու արվեստաբան Գաբրիել Մուրեն: Նա ֆրանսերեն լույս տեսած «Վայ բանաստեղծություններ»-ի առաջաբանում գրել է. Նարեկացին «...ունի մաև պաշտելի հոգեզմայլությամբ համակված տաղեր, որոնց մեջ կարծես սահելով անցնում է հանգած հեթանոսության արծազանքը... Արդյոք Վեներայի*, թե՞ ս.Կույսի¹⁸ կերպարանքն է, որ վանականի մթին խցի մեջ սփռում է այն թարմ ցուլքերն ու բույրերը, որոնք մտաբերել են տալիս Բոտիչելլի «Գարունը»¹⁹ /ընդգծ. իմն է.- Ս.Ս./,- միտք, որը հետազոտողի համար կողմնորոշիչ դերակատարում կարող է ունենալ Նարեկացու երկերում այլ հեթանոսական «Գարուն»-ներ էլ հայտնաբերելու համար:

Այլազգի նարեկացիագետները պատկերացրած Նարեկացու հեթանոսական ներկայացման այս շարքը կարելի է ընդլայնել: Բայց բավարարվենք բերածով: արդեն իսկ դա համոզում է, որ ճշմարիտ է հայ նարեկացիագիտության այն թեզը, ըստ որի Նարեկացին, ինձպես նշում է այդ թևի ներկայացուցչներից մեկը՝ Շանթը «հեթանոսական դեմք մըն է»,²⁰ որ նա ճիշտ է, համամարդկային կարգի մեծություն է, բայց այդպիսին է՝ մեծ հայ լինելով, համարվամոհակ ու համասփյուռ հայ-ազգայինը /հեթանոսականը/ իրենում խտացնելով – կիզակետում իմի բերելով, այն ոգեղենացված ձևով արտահայտելով, ի տես ու ի օրինակ թե իրենցոքիմների, թե՛ այլոց համար: Սա ի դեմս Նարեկացու տեսնում ու ասում է, կրկին անգամ ընդգծենք, այլազգի նարեկացիագետը իր «դրսի» աչքով ու մտքով:

¹⁸ Քանի որ Նարեկացին հայ, հայ մշակույթի ու պատմության ծնունդ է,- այստեղ ավելի ճիշտ կլիներ ասել Աստղիկն է կամ՝ Անահիտը...

¹⁹ Մեջբերումն ըստ Վ.Նալբանդյանի վերը հիշատակված աշխատության, էջ 66/:

²⁰ Լ.Շանթ, Երկեր, հ. 18, Պեյրուք, 1946, էջ 114: